

Nr. 2 mars 2007 - Årg. 22

Bygdabladet

for BOKN



Ta i bruk Bokns flotte natur
Les meir s. 4



Triveleg i speidaren på Bokn
Les meir s. 6



Volleyball U16 på seriercup i Stavanger
Les me s. 10



Ordføreren har ordet:

Overskot

Som de kanskje har sett i avisene har kommunane i Norge gode overskot på rekneskaper for 2006. Sånn ser det ut for Bokn også. Bokn kommune vil gå med ca. 4 mill. kroner i overskot takka vere svært god skatteinngang og reduserte kostnader på drifta. Kommunestyret vil ta stilling til korleis pengane skal brukast.

"Kjekt på Bokn"

Kommunestyret har hatt ein foreløpig informasjon og behandling av prosjektet "Kjekt på Bokn". Under arbeidet i dei forskjellige gruppene har der komme opp mange gode og spennande idear for vidare utvikling av Bokn, og eg vil takke alle for arbeidet og ideane så langt.

Gruppene har delvis jobba med tiltak innan same tema og innan same område og formannskapet og kommunestyre såg det derfor som nødvendig å sortera litt i oppgåver for gruppene. Resultatet blei at ei gruppe får i oppdrag å planlegge alle tiltak rundt Boknafjellet. Det arbeidet settes i gong med ein gong. Eit anna tiltak som blir sett i gong nå er å skisse opp korleis me vil at avkjørselen til Bokn frå E39 ved Knarholmen skal sjå ut.

Kommunestyret samla seg og om at nærmiljøanlegget på Fyren skal gjerast ferdig etter gjeldane planar, at all vidareutvikling av Føresvik blir samla i ei gruppe og at alle større tiltak som ny trailbane, museum, kultur- og idrettsbygg og badeanlegg skal vidareutviklast.

Dei tri arbeidsgruppene får kvar 50 000,- kr til å sette mindre tiltak, som skilting av turstiar, matkurs og førstehjelpskurs, ut i livet og til å arbeide vidare med enkelte idear.

Kommunestyret har valgt denne måten å gjere det på for å sleppe å vente på endeleg behandling av prosjektet og komme raskt i gong med konkrete tiltak.

Edderkopp

Etter kommunestyret si oppfatning vil det nå bli svært viktig å få på plass ein som kan vera ansvarleg for heile prosjektet. Prosjektet og framdrifta er avhengig av ein som kan samla alle trådane, syta for framdrift, skaffa økonomiske midlar til tiltaka og sikre at me får noko ut av dette prosjektet. Håpet er å ha på plass ein person som har ansvar for prosjektet til sommaren.

Eg har tru på at me skal få mykje ut av dette prosjektet som vil gjere det kjekt å virke på Bokn som innbyggjar, næringsmessig eller i fritida.

Svein Ove

Frå møter i formannskap og kommunestyre

Formannskapsmøte 06.02.2007:

007/07 **Ulåst vegbom ved innkøringa til skuleplassen**

Formannskapet sitt vedtak:

Det blei godkjent oppsetting av vegbom og skilt med fartsgrense 10 km/time.

Formannskapet løyvde kr 7.000 til formålet.

008/07 **Melding om uventa høge utgifter til skuleskyss i 2006 og 2007**

Formannskapet sitt vedtak: Grunna den store kostnadsauken til midtskyss, vurderer formannskapet å redusere/fjerne bruken av midtskyss frå 01.08.2007. Det må innhentes anbud på midtskyssen for det kommande skuleåret. Det må først ei forhandling med Haugaland Buss om reduksjon av prisane for skuleåret 2006/2007.

009/07 **Tiltak for å sikre full barnehagedekning**

Formannskapet sitt vedtak: Formannskapet vedtok å opprette ei gruppe som får i mandat å legge fram eit forslag til behandling i kommunestyret i juni måned. Gruppen vert samansatt slik:

- 2 frå formannskapet dvs. Åse Bratthammer og Gunnar E. Bokneberg
- 2 frå tilsette dvs. styrar + 1
- 2 frå foreldra

Sekretær for gruppa med ansvar for framdrift blir Dag Halvorsen

010/07 **LOKALE TARIFF-FORHANDLINGAR 2006**

Formannskapet sitt vedtak: Orienteringa blei tatt til etterretning.

Kommunestyremøte 27.02.2007

002/07 **Salsløyve for alkoholhaldige drikkar under 4,7 % alkohol.**

Kommunestyret sitt vedtak: I medhald av av alkohollova §1-4b, 1-7a, 1-7b, 1-7c, 3-1 andre ledd og 3-7, får Coop Haugaland BA salsløyve av alkoholhaldige drikkar under 4,7% alkohol med utsalststad i Coop Marked Bokn.

Salsløyvet gjeld fram til 30.06.08.

Styrar for løyvet er Annbjørn Sunde, med Helga Foss som stedfortreder.

Bokn kommune sine vedtekne salstider skal fylgjast.

Gebyr på sal av alkoholhaldig drikk skal fylgja dei satsane som er bestemt i forskrift til alkohollova.

003/07 **Karmsund havnevesen IKS – styre.**

Kommunestyret sitt vedtak:

Bokn kommune godkjenner havnerådets forslag til endring av §7 i vedtektene for Karmsund havnevesen, slik at selskapets lånetak auker frå kr 100 mill. til kr 175 mill. før samtykke til nye lån må innhentast frå eigarkommunane.

004/07 **Prosjektet Kjekt på Bokn.**

Kommunestyret sitt vedtak: Formannskapet sitt forslag vart samrøysta vedtatt. Dette er som fylgjande: Formannskapet drøfta prosjektet "Kjekt på Bokn" og framdrifta til nå. Ein gjorde fylgjande vedtak om det vidare arbeidet:

- Gruppene forsetter sitt arbeid med å utarbeide forslag til tiltak og i den grad det er mogleg – sette tiltaka ut i live. Kvar gruppe får ett beløp på kr 50.000,- til disposisjon. Rådmannen lager til retningslinjer for bruk av pengene.
- Arbeidet med skilting/pynting i krysset E39 prioriterest
- Informasjon om prosjektet "Kjekt på Bokn" legges inn på kommunen si heimeside med eigen postkasse.
- Formannskapet ser det som viktig for framdrifta i prosjektet at det no vert engasjert ein prosjektleiar. Rådmannen bes utarbeida eit framlegg til prosjektleiing.
- Kommunen gjennomfører eit omdømmeseminar vår 2007 eller til hausten.
- I tillegg vart det bestemt at alle forslag til tiltak knytta til Boknafjellet, blir vidareført i ei eiga prosjektgruppe bestående av:
 - o June Kro – leiar
 - o Ein representant for friluftsrådet
 - o Ein representant for grunneigarane
 - o Helge Kristian Nilssen
 - o Ann Vigdis Ellingsen Eie – Haugaland Vekst IKS - sekretær

Arbeidet i gruppene er ikkje ferdig og ein har ikkje tilstrekkeleg grunnlag for å leggja fram eit endeleg forslag til prioritering av tiltak. Mellom anna er ein ikkje ferdig i gruppa Etablering av arbeidsplassar i Bokn - der arbeidet med utarbeiding av ein Utviklings- og næringsplan for Bokn vil stå sentralt.

Formannskapet som styringsgruppa vil likevel invitera kommunestyre til drøfting av nokre av dei prosjekta som så langt er prioritert i formannskapet og arbeidsgruppene:

- Ferdigstilling av nærmiljøanlegget på Alvestad
- Vidareutvikling av Føresvik
- Vidareutvikle visjon om kultur/idrettsbygg, svømmebasseng, museum osv.
- Framtidige hyttepolitikk i Bokn kommune og eventuelle konsekvensar dette vil kunne ha for kommunen."

I tillegg vedtok kommunestyret at gruppa "Ta naturen i bruk" arbeider vidare med skilting/pynting i krysset E39

Kommunestyret vil ha ny sak med fullstendig oversikt over alle aktuelle tiltak m/kostnadskalkyler, og forslag til tidsplan og prioritering til møte i juni

Passerer Bokn 800 innbyggjarar i år?

Reidar Alvestad

Pr. 01.01.2007 hadde Bokn 793 innbyggjarar. Det betyr at folketallet har gått opp med 23 i 2006. Dette tilsvarar ein folketivekst på 3%.

Mest oppgang siste halvåret

Oppgangen syner at det er dei 2 siste kvartala av 2006 som har hatt den store netto tilveksten. Det er 13 fødde og 7 døde i 2006. Vidare er det 36 innflyttingar og 19 utflyttingar. Totalt sett viser dette at folketallet i 2006 har hatt ein auke frå 770 pr. 01.01.2006 til 793 pr. 01.01.2007.

Kystkommunane veks

Rogaland fylke er saman med Oslo og Akershus dei fylka som veks mest i landet. Fylket passerte i 2006 400 000 innbyggjarar, og ligg nå på rundt 405 000. Oslo og Akershus har nå 22,6% av folkemengda i landet, medan Rogaland og Hordaland har 18,4 %.

Rennesøy hadde i 2006 landets største prosentvise folkeauke saman med Sørum kommune.

I Rogaland er det berre Rennesøy kommune som har større prosentvis folkeauke enn Bokn i 2006, nemleg 3.3%.

Klepp har 3% auke, Sandnes 2,6%, Sola 2,6 og Utsira 2,4%. Haugesund har 1,8% auke, Karmøy 1,1 og Tysvær 1,8% auke. Elles er det fin auke i mange Rogalandskommunar. Dei som har nedgang er Sokndal, Hjelmeland, Suldal, Sauda, Finnøy og Vindafjord. Dette er kommunar som gjennom lengre tid har slite med befolkningsnedgang.

Det gir ikkje eit rett bilde å sjå på befolkningsauke berre siste året. Særleg gjeld dette for små kommunar kor det skal få personar til for å gå opp eller ned. Ser ein på befolkningsendringar i

rogalandskommunane i 10-års perioden frå 1997 til 2007, er det desse kommunane som har hatt størst auke: Rennesøy 23,3%, Sandnes 21,2%, Klepp 17,9%, Time 16,7%, Gjesdal 15,1%, Sola 13,7% og Tysvær med 13,3%.

Dei som har hatt størst tilbakegang i denne perioden er Sauda med -8,4%, Sokndal med -6,3%, Finnøy med -5,8%, Suldal med -5,7%, og Hjelmeland med -2%. Vindafjord og Ølen kjem ikkje korrekt fram i statistikken, sidan dei slo seg saman i 2006. Det er likevel truleg at gamle Vindafjord kommune hadde minustal i perioden. Ølen har hatt noko meir vind i seila.

10 av rogalandskommunane har hatt dårlegare folketalsutvikling enn Bokn i denne 10-års-perioden, kor Bokn har hatt ein auke på til saman 2,9% totalt sett. Lågast folketal i 10-års perioden hadde Bokn i 1999 med 753. I 2001 var Bokn oppe i 792 innbyggjarar, altså nesten som i dag. I 2002 og 2003 var folketallet 765, men etter det har det gått opp kvart år, mest i 2006.

Kva nå med Bokn framover?

Det er svært vanskeleg å spå kva som vil skje med folketalsutviklinga i Bokn dei næraste åra. Dersom trenden frå 2003 held seg, skal det gå opp. Visse positive trekk i boknasamfunnet den siste tida må nemnast: arbeidsløysa har gått kraftig ned. Næringslivet går på høygir, og det er selt fleire tomter også i Bokn enn på lenge.

T-sambandet er i startgropa, og ein høyrer om boknarar busett på Karmøy som kan tenkja seg å bu på Bokn når sambandet er realisert. Det vil medføra ein større og lettare tilgjengeleg arbeidsmarknad. Ein merker også at fleire er ute etter hus/leilighet.

Faktorar som ikkje er positive, er at Bokn har forholdsvis større antal personar på uføretrygd, attføring og rehabilitering enn samanliknbare kommunar.

Fleire må innsjå at me har ein felles bu- og arbeidsmarknad i alle fall med Tysvær, Haugesund, Karmøy, Sveio og Vindafjord. Mange pendlar i dag, men fleire må nok rekna med å pendla om dei skal ha jobb. Det opnar jo også for større mangfald i høve til interessante jobbar.

Av andre positive faktorar er det ingen ulempe at bommen på Sokn er nedlagt, og at nye tidsmessige og raske ferjer er kome på Boknafjorden. Nå kan det lettare gå an å dagpendla til jobb også til sørsida av fjorden for dei som ser betre karrieremuligheter der.

For kommunen utgjør den folkeauken som har funne stad ein ikkje ubetydeleg auke i rammetilskotet for staten, og venteleg auka skatteinntekter. Det ser ut som at optimismen er stor i landet og særleg i vår landsdel i forhold til utvikling av næringslivet og tilgang på jobbar. Sjølv sagt kan det koma eit krakk som vil kunna gi ei anna og negativ utvikling både i næringsliv og anna som vil føra til ei meir negativ utvikling enn det som her er anslått. Eg synes likevel at alt i alt burde det ikkje vera heilt ugrunna optimistisk å tru at me er inne i ei utvikling som kan innebera auka folketal dei næraste åra.

Kjelder:

Statistisk Sentralbyrå folkemengde 1. januar 2007 og endringar i 2006. Stavanger Aftenblad 3.mars 2007: Kommuneutviklingen i Rogaland

Kommunevalet 2007

Reidar Alvestad

Proessen fram til kommunevalet i haust er i gong. Fristen for å vera klar med listene er 31. mars. Av dei fire partia i Bokn er det eitt som ikkje er kome i mål.

Senterpartiet

Frå sekretær Merete Alvestad i Senterpartiet får me opplyst at dei er ferdige med nominasjonen og har sendt inn lista. Dei har ikkje hatt problem med å fylla lista.

Høyre

Også Høyre har fylt opp lista. Det har verken vore enklare eller vanskelegare enn

tidlegare år, seier Per Helge Sunde til Bygdabladet.

Arbeidarpartiet

Kyrre Lindanger seier at også dei er ferdige med si liste, og at dette arbeidet har gått greitt.

Kristeleg Folkeparti

Dette partiet slit med å få folk til å stilla på lista. Sigmund Alvestad seier at dei ikkje er sikre på om dei kjem i mål, men dei vil prøva å få det til i løpet av mars.

Bygdabladet kjem i neste nr. med lister og namn på kandidatane.

Refleksvest i bil

Jardar Havikbotn

1. mars blei det påbudt med refleksvest i bilen.

Bakgrunnen er at fleire personar kvart år blir drepne når dei skal ut av bilen for t.d. å setja ut varselstrekant eller skifta eit punktert dekk.

- Dei som ikkje har vest i bilen blir ikkje belasta med gebyr, men får ein advarsel, seier politibetjent Kyrre Lindanger til Bygdabladet. Politiet vil ved trafikkkontrollar opplysa om dei nye forskriftene frå Vegdirektoratet.

Refleksvesten skal vera lett tilgjengeleg frå førarsetet og vera merka CE.

Kjekt på Bokn

Ta i bruk Bokns flotte natur

Kjekt på Bokn

Helge Kristian Nilssen

Det er nok flere enn meg i Bokn som av og til tar turen utenfor hagegjerdet og ut i skogen og marka for å puste inn lukt av skog, lyng og myr eller sitte ved en bekk eller et vann og bare lytte til alle lydene i naturen og kjenne at batteriene fylles, eller traske raskt opp på en nut så svetten siler og kjenne at du lever.

Men, det er kanskje de fleste som av gode eller dårlige grunner ikke kommer seg ut og som ikke er klar over hvor mange fine naturperler Bokn har å by på både sommer og vinter.

velvilje fra grunneiere kanskje får kvistet og merket er en jeg har gått flere ganger og som er like fin hver gang.

Hele rundturen går fra Føresvik via Borgenvik til Boknahåve og tilbake til Føresvik, er ca. 8 km lang og tar ca. 3,5 timer inklusiv litt pause.

Søndag 18. februar var vi fire stykker fra prosjektet "Kjekt på Bokn" som tok turen igjen.

Turen

starter i byggefeltet i Føresvik og følger "turstien"



På hele Bokn fra Loden i sør til Boknahåve i nord er det mange flotte plasser å gå, langs nye og gamle stier, saue og hjortetråkk, lyngheier eller langs sjøen på svaberg.

Noen plasser er det vanskelig og tungt, andre plasser er det lett terreng som passer for både store og små.

Prosjektet "Kjekt på Bokn" i regi av Bokn Kommune arbeider med mulighet for å rydde, merke og skilte noen av disse stiene og stedene og sette opp enkle benker og bord og få dette markert på turkart slik at alle som vil og har mulighet kan komme seg ut.

En av disse flotte turene som Bokn Kommune med

Ved Sandvatnet er det utrolig flott.



gjennom granskogen. Hvor stien deler seg ved Søllbrekk tar vi til høyre, fortsetter opp bakken forbi hytta til Tor og opp på åskammen. Vi er nå på den gamle stien til Borgenvik. Herfra kan vi se ned på Halvardsvatnet til høyre. Vi fortsetter rett fram mot et skogholt, følger en relativt brukbar sti gjennom skogen og kommer ut på andre siden hvor stien er nesten gjengrodd og litt vanskelig å oppdage. Stien blir etter hvert mye bedre ned mot Sandvatnet.

Sandvatnet og Halvardsvatnet henger nesten sammen, bare avskilt med en kort liten bekk med ei lita steinbro over. Det er fantastisk flott her inne. For de som ikke har lyst til å gå langt, er det en kjempefin tur hit og tilbake igjen.

Vi fortsetter

over steinbroa og kommer etter hvert inn på grusvei-



Arild Ognøy, June Kro og Marita Svendsen nyter utsikten over nordre del av Bokn.

en til Gunderstad. Vi følger veien som går til sjøen i Breivik og etter 20-30 m forlater vi grusveien og stikker opp langs en sti gjennom skogen, gjennom ei lita grind og kommer opp på "snaufjellet". Vi er på nordsida av Buarfjellet. Herfra er det en fantastisk flott utsikt over Breivika, Karmsundet og hele området nord for Halvardsvika.

Her slutter stien. Sauetråkk, hjortetråkk, lyngrabber



Nordre Boknahovstjørna. Karmsundet mot vest.

og berg overtar, men vegetasjonen her er kort og det er relativt lett å gå. Vi krysser Lindemyra, runder Linderabben og går nordover i dalen mellom Halvardsfjellet og Linderabben. På nordsiden av Linderabben går vi ned til bekken som renner ut fra Søre Boknahovstjørna og ned til Nordre Breivik. Her kan det på en regnfull dag være glatt på berget.

Det er bare et kort stykke mellom Søre og Nordre Boknahovstjørna.

Ved Nordre Boknahovstjørna er det fantastisk flott, og alle som har mulighet bør ta turen hit.

Flott rasteplass

Om man snur seg og ser mot sør, får man følelsen av å være milevis fra allfarvei. Mot vest ligger Karmsundet bare 20 høydemeter lenger ned. Mot nord står fyrlykta på Boknahåve.

En flott plass å ta en pust i bakken.

For å komme seg videre til Boknahåve er det lettest å gå på vestsiden av Nordre Boknahovstjørna. På østsiden er det mye høyt "ormagras" om sommeren som man må gå gjennom, men på denne tiden av året er ikke det noe problem.

På nordsiden av tjørna og fram til Boknahåve er det litt småkrangling med høy lyng, men det er ikke lange



June og Marita i solsiden av fyret på Boknahåve.

stunden så det klarer vi. Alle vil kanskje ikke synes det, så her kunne det med fordel ha vært ryddet litt lyng.

Bare gå og se selv

Tør påstå at det er de færreste i kommunen som har vært her ute, og som vet hvor fint det egentlig er ved fyret som er omkranset av sjø, holmer og skjær på den ene siden, bare skjemet av et og annet oppdrettsanlegg, og Boknafjellet, daler og åskammer på den andre.

Turen tilbake legger vi denne gangen på østsiden av nordre tjørna siden alt "ormagras" er vissent og flatt. Vi kommer etter hvert inn på løypa vår igjen ved bekken fra Søre Boknahovstjørna og går tilbake samme vei mellom Linderabben og Halvardsfjellet til vi får myra på høyre side, og holder så til venstre på et relativt godt dyretråkk rundt foten av Halvardsfjellet til vi kommer ned til Halvardsbekken.

Når det har vært mye nedbør blir det ganske stor vannføring i bekken. Denne gangen har det regnet mye i dagevis, men det er ingen problem å komme over.

Vel over bekken starter den delen av turen som kanskje er tyngst, langs ei sugende myr med massevis av tuer. Man kan velge å gå oppe i lia i lyng og småbuskas eller å følge myrkanten. Vi følger myrkanten.

I enden av myra bærer det oppover et dalføre mellom Stoggfjellet til venstre og Kodlefjellet til høyre, og på en brukbar sti bærer det over en bakkekam hvor vi etter hvert får fin utsikt mot Søllbrekksvatnet foran oss og Kongshamn til venstre.

Nedtil vatnet

Når vi kommer fram til Søllbrekksvatnet er det lurt å gå helt nede ved vatnet for ikke å bli sittende fast i tettvokst grankratt og lire av seg de samme glosene som når man har rotet seg inn i rushtrafikken i Karm-sundsgata en fredag ettermiddag.

Bekken fra Søllbrekksvatnet renner ut i Døvika. Denne hopper vi over noen meter nedenfor vatnet og fortsetter rett fram gjennom en brukbart fremkommelig granskog til vi igjen er inne på "turstien". Ringen er sluttet.

Nå er det bare å følge de få hundre meterne langs stien tilbake til bilen, og enda en flott tur i Bokns flotte natur er over .

Dette er selvfølgelig ikke en tur for barnevogn, men



Ved Søllbrekksvatnet.

lån eller kjøp en bæremeis, pakk termosene og niste-pakken og ta småfolket med ut, enten på hele eller deler av denne turen, eller andre steder . Det er mye mer ved Bokn enn det vi ser langs veien.

Husk godt fottøy..!! Selv om sola skinner er det ikke tørt overalt.

GOD TUR !!!

Flere bilder fra denne turen finner dere på www.bygdabladet.no

Triveleg i speidaren på Bokn

Reidar Alvestad

Bokn KFUK-KFUM er ein av dei største og mest aktive barne- og ungdomsorganisasjonane i kommunen. Dei har 122 medlemmer, og er delt i 3 grupper: Speidartropp på 38, ulve/meiseflokk på 22 og familiespeiding (ekornspeiding) på 36. Dessutan 10 R/R ungdommar og 16 vaksne leiarar og støttemedlemmer. Av andre lag og organisasjonar på Bokn er det berre Bokn idrettslag som har fleire medlemmer.

Stor aktivitet

Dei ulike gruppene har hatt stor aktivitet i 2006. Speidartroppa (11-16 år) har hatt 16 patruljemøter, 7 troppsmøter og troppstur til Vågholmen. Dei har også vore på landsleir på Røros og har deltatt i 2 gudstenester.

Ulve/meiseflokken (8-10år) har hatt 20 vanlege ulve/meisemøter, ein tur, ein leir og 3 arrangement saman med speidarane. Dei har også deltatt i 2 gudstenester.

Ekornspeidinga 0-7 år (pluss føresette) som vart starta i januar 2005, har også i fjor hatt samling 1 gong kvar

Ikkje så kjekt å vera inne som ute - men full aktivitet og konsentrasjon:

Her står Magnus Alvestad klar på bukken til å hoppa ned på madrassen. Bak han klatrar Vilde Øvrebø opp på bukken. T.h. for henne Madelene Knutsen og Christian Knutsen. T.v. ved veggen står leiaren for ekornspeidarane Merete Alvestad og pratar med Daghild G. Alvestad.



månad unntatt i ferietida. Dei har vore i "Speidarskogen", "Trollskogen", Ognahabn, Grønnestadvågen, Kallabergvika og på Nærmiljø-anlegget ved Boknasundet.

Dersom det er svært dårleg ver, held dei til innadørs, anten i gymnastikksalen på skulen, eller i speidar-huset. Frå dei starta opp for to år sidan, har dei måtta vera innadørs berre 3 gonger.

Siste gong var søndag den 25. februar. Då vart det sett fram madrassar, klatretau og andre trenings- og leikeapparat til ekornspeidarane i gymnastikksalen på skulen. Også denne dagen hadde dei eit fastlagt program utanom friaktivitetane, og dette er matøkt og andakt.

Merete Alvestad som er leiar i gruppa, seier at ungane likar seg best når dei kan vera ute. "Speidarskogen" er ein svært populær stad, for der er det så mykje tilrettelagt for aktivitetar som klatring, balansering og andre ting som er utfordrande for ungane.

Merete fortel at frammøtet varierer, men dei er ofte bortimot 40 deltakarar på samlingane med smått og stort. Akkurat denne søndagen var det begrensa frammøte, men det kom i alle fall over 20. Sommarhalvåret er ei betre tid som gir høve til meir utandørsaktivitet. Ekornspeidaren inneber friluftsliv og sosialt samver, speidar song, andakt, speidaraktivitetar, leik og læring.

Andre møter i gruppa

Det har vore årsmøte og 4 styre- og planleggings-møter i 2006

Høgdepunkt i speidaren i 2006

I 2006 viser årsmeldinga frå speidaren at dei i starten på speidaråret har hatt juletreffest i skogen med 60 deltakarar, speidarbasar med stappfullt bedehus og godt resultat, Gudsteneste med speidarprosjon og løftefornyng i april,

og arrangementet "Kampen om Vikingskipet" i slutten av april med folk frå heile kretsen. Her var det med 100 speidarar og 20-30 leiarar.

Vidare deltok speidaren igjen i 17-mai arrangementet på Bokn med karusell og taubane. Det var småspeidarleir på Blikshavn i mai. Troppstur til Vågholmen i slutten av mai hadde god oppslutning. Så var speidaren med på Jonsokfeiringa i lag med båtforeninga i juni.

Til Landsleiren på Røros reiste 36 speidarar og leiarar frå Bokn. Dette var det store arrangementet dette året. At troppepen vann to 1.prisar i sin underleir la heller ingen dempar på opphaldet.

Speidarane sin dag i august var lagt til Loten med 50 deltakarar. I oktober var det ulve/meisetur til Sandbekken. Lysmessa første søndag i advent hadde godt frammøte av speidarar med familiar.

Juleavslutninga med grautfest hadde 110 frammøtte, og utlodninga ga over 3000 kroner til Global-aksjonen. Festen var sponsa av SR-Bank.

Speidaråret vart avslutta med juletreffest 3. søndag i advent. Ekornspeidarane hadde ansvar for festen. Det vart ein gild fest med stappfullt hus.

Speidarhuset

Komiteen som var nedsett for "ansiktsløfting" inne i speidarhuset kom i gong med arbeidet hausten 2006. Det er nå 5 nyoppussa patruljerom nede, og 1 oppe. "Kontoret" er flytta opp på loftet.

Årsmeldinga avsluttar med desse orda:

"Me takkar alle leiarar og hjelperar for deira innsats. Me takkar bygdefolket for støtte, økonomisk og ved forbøn. Me takkar kommunen for støtte, og takk til SR-Bank Bokn for sponning av grautfesten. Og ein stor takk til presten vår som alltid stiller opp for oss. Guds rike signing til alle."

46 medlemmer i Bokn Pensjonistforening

Sjølvs om Bokn Pensjonistforening har nesten 50 medlemmer, har me ennå god plass til fleire, og me har det triveleg. Her ser du korleis me driv foreninga.

Drifta i fjor

I 2006 hadde pensjonistforeninga 8 møter (pensjonistkveldar). I tillegg til dette 4 styremøter. Pensjonistforeninga har også hatt 2 utsendingar til Reiselivsmessa i Haugesund og 2 til fylkesårsmøtet i Stavanger. Også eit anna møte i Stavanger i november hadde foreninga 3 utsendingar til. Naboforeninga i Tysvær er også besøkt. I september var det 25 frå Bokn Pensjonistforening som møtte til eit felles møte for dei to foreningane.

28. september var det eldrefest i Bokn med eldrerådet og pensjonistforeninga som arrangorar. Her var det 70 påmelde. Tema for kvelden var Jakob Sande med framføring av kåseri av Rolf Wennert og song av Oddrun og Venevil.

Pensjonistkveldar

Som nemnt har det vore 8 samlingar i 2006. På desse har det vore oppe ulike tema som informasjon om reise og turar, orientering om steinarter og historier frå gamal tid som t.d. huldra i

Suldal. Me har også fått demonstrert førstehjelp frå Røde Kors. 30.april hadde me besøk av Tysvær Pensjonistlag. Då hadde me underhaldning av barnekoret, og Malvin Grønnestad spela gitar og song. Sigvart Våga fortalde om gamle hendingar frå Bokn.

Også mange andre krefter utanfrå og frå Bokn har vore med og bidratt til underhaldning. Ingebjørg og Jorunn Larsen har vore med på to møter med fine songar, og Jardar Havikbotn og Kjetil Hamre har vist lysbilder og lese dikt. Mathias Are er trufast med oss og spelar til songane. Me takkar elles alle som har bidratt med underhaldning og anna.

Årsmøte

Årsmøtet var den 22.februar. Leiar Kari Våge opna møtet og ynskte velkommen. Denne gongen var Lillian og Hans Alvestad innbedne til å underhalda. Conny i Haugaland Reiselag fortalde at det var lagt til rette ein tur Bokn—Os med 2 overnattingar 6.—8. juni som pensjonistane kan melda seg på.

Skikken med 1 minutt stillhet for å minnast dei som gjekk bort siste året vart også halden. Så gjekk me over til vanlege årsmøtesaker med opplesing av årsmelding og presentasjon av rekne-

skap som vart godkjend. Valet vart slik:

Kari Våge	-	leiar
Einar Gulbrandsen	-	nestleiar
Bjørg Alvestad	-	kasserar
Liv Vatnaland	-	sektretær
Ellinor Pedersen	-	varamedlem
Hannemor Alvestad	-	varamedlem

Møyfrid Alvestad og Gunvor Eiksund vart revisorar

Valkomite: Ingunn Are, leiar.

Arne Ognøy, medlem.

Varamedlem: Sigvart Våga.

Etter valet las Lillian Alvestad fine dikt. Kari Are og Ingunn Are som gjekk ut av styret fekk overrekk blomar av leiar Kari Våge. Leiaren fekk deretter sjølv overrekk blomar som takk for arbeidet siste året.

Etter matøkt var det utlodning og meir underhaldning av Lillian Alvestad som hadde med seg gitaren. Songen "Gryta hennar mor" vart sunge av heile forsamlinga som talde bortimot 40. Etter at Lillian hadde lese dikt, held Hans ein andakt. Deretter var det vel heim med songen "Kjærlighet fra Gud".

Liv Vatnaland

Kulturkalenderen

- nye arrangement/forandringar blir **utheva** kvar gong -
- daglege oppdateringar i nettutgåva -

MARS

16. Kino i auditoriet, **sjå neste side**
18. Gudsteneste kl. 11.00
18. NMS-møte, Bedehuset kl. 19.30
19. Me les i Matteus-evangeliet på Bedehuset
20. Soknerådsmøte på Bedehuset kl. 19.00
24.-25. Korpssseminar på skulen, Bokn skulekorps
25. Ekornspeidar kl. 15.00 på Boknafjellet
25. ABR-senteret, Bedehuset kl. 19.30
27. Konf., Bedehuset kl. 18.15 - 20.00
28. Eventyrstund på biblioteket kl. 17.00
29. Bokn pensjonistforening i Allrommet kl. 17.30

APRIL

01. Gudsteneste kl. 11.00 - Dåpsskule/konfirmantar
01. Bingo kl. 16.00, arr. Bokn musikkorps
Veke 14 Påskeferie, Bokn skule
02. Me les i Matteus-evangeliet på Bedehuset
05. Frelsesarméen på Bedehuset kl. 18.00 - sjå s. 12
06. Gudsteneste kl. 11.00
08. Gudsteneste kl. 15.00 - 1. påskedag ute på Ognøy
10. Formannskapsmøte
12. Kontaktmøte på Bedehuset
13. Kino i auditoriet
14.-15. Korpssseminar på skulen, Bokn brass
15. Gudsteneste kl. 11.00 - Løftefornyelse
16. Me les i Matteus-evangeliet på Bedehuset
18. Eventyrstund på biblioteket kl. 17.00
19. Soknerådsmøte på Bedehuset kl. 19.00
21. Kampen om Vikingskipet, arr. speidarane
22. Vårkonsert kl. 16.00, arr. Bokn musikkorps
24. Kommunestyremøte
25. Basar på skulen, arr. Sjømannsmisjonen
26. Bokn pensjonistforening i Allrommet kl. 17.30
28. Konf., Bedehuset kl. 10.00 - 14.00
29. Ekornspeidar kl. 15.00 i Peralia

29. Gudsteneste kl. 19.00 - Ung messe - Samtale-gudsteneste. Fest etter gudstenesta

MAI

- 01. Fest og utlodning med bevertning på Bedehuset kl. 19.00 - arr. Frelsesarméen**
04.-06. Troppstur til Vågholmen, arr. speidarane
06. Normisjonen, Bedehuset kl. 19.30
08. Formannskapsmøte
11. Kino i auditoriet
13. Gudsteneste kl. 11.00 - Konfirmasjon
17. Gudsteneste kl. 10.30
20. Ekornspeidar kl. 15.00 i Humraparken
24. Soknerådsmøte på Bedehuset kl. 19.00
27. Gudsteneste kl. 19.00 - 1. pinsedag
31. Bokn pensjonistforening i Allrommet kl. 17.30

JUNI

03. Gudsteneste kl. 11.00 - Felles Tysvær-Bokn ute i Loten
05. Formannskapsmøte
06. Basar på skulen kl. 19.00, arr. Saniteten
08. Kino i auditoriet
10. "Øyastemnet" på skulen, arr. Bokn musikkorps
10. Gidion-møte, Bedehuset kl. 19.30
17. Ekornspeidar kl. 15.00, Eventyrgarden på Are
17. NLM-møte, Bedehuset kl. 19.30
19. Kommunestyremøte
21. Gudsteneste kl. 11.00
22. Siste skuledag før sommarferien, Bokn skule
23. Kretsmeisterskap i Trial, arr. Bokn idrettslag
23. St. Hans-feiring, Alvestad nærmiljøanlegg, arr. speidarane
24. Gudsteneste kl. 11.00

JULI

15. Gudsteneste kl. 19.00

GYMSALTIMEPLAN, KVELD

DAG	AKTIVITET	KLOKESLETT	ANSVARLEG
Måndag	Fotball G8 og G9 Bokn musikkorps	16.45 - 17.45 18.00 - 22.00	Rannveig Foss/Atle Jøsang Lillian Grønnestad/Jardar Havikbotn
Tysdag	Danseskule	13.15 - 18.00	Wendy Riber
Onsdag	Fotball G7 Fotball J10 og J12 Fotball G13	17.00 - 18.15 18.15 - 19.30 19.30 - 21.00	Roger Jøsang Louis Medhaug Arild Nilssen/Steeven Høyland
Torsdag	Danseskule Fotball G11 Volleyball, ungdom Volleyball, vaksne	14.00 - 17.30 17.30 - 19.00 19.00 - 20.00 20.00 - 22.00	Wendy Riber Leif Kjellesvik Rita Jensen Atle Jøsang

Kjære lesar!

Av ulike grunnar blei dette bladet i tynnaste laget, men me kjem sterkare igjen etter påske.

Bygdabladet må også skuffa alle kryssord-, Sudoku- og Wordokuentusiastar; denne sida er kutta ut p.g.a. dårleg respons.

- redaktøren -

Vi treng fleire medarbeidarar og søker etter



RESTAURASJONSMEDARBEIDARAR DELTID/EKSTRAHJELP

Gå inn på
[www.fjord1.no/fylkesbaatane/andre ledige stilingar](http://www.fjord1.no/fylkesbaatane/andre_ledige_stilingar)
for meir informasjon og søknadsskjema.

Bygdabladet for 20 år sidan

Frå nr. 2 1987

FLERE KVINNER I KOMMUNESTYRENE

Kampanjen FLERE KVINNER I KOMMUNESTYRENE er ein landsomfattande kampanje som er støtta av følgjande organisasjonar:

Norske Kvinners Nasjonalråd, Norges Husmorforbund, Norges Bondekvinnelag, Norsk Bonde- og Småbrukarlags Kvinnegruppe, Norsk Kvinnesaksforening, Kvinnefronten, Oslo Faglige Kvinnebevegelse, Det Norske Arbeiderpartiets Kvinnesekretariat, Høyrekvinner Landsforbund, Kristelig Folkepartis Kvinner, Senterkvinnene, SV's Kvinnepolitiske Utvalg, Venstre, Det Liberale Folkeparti, Likestillingsrådet.

På landsbasis er kvinneandelen i kommunestyra 23,8%, og kampanjen vil at likestillingsnemndene i kommunane skal ta initiativ for å heva denne prosenten ved komande val.

I Bokn er det 2 av 17 representantar i kommunestyret som er kvinner. Senterparti-

et og Høgre er det som har ei kvinne kvar i kommunestyret. Dette er ei kvinneandel på 11%, altså under det halve av landsgjennomsnittet.

Halvparten av befolkninga i Bokn er kvinner. Utgangspunktet er ikkje at mennene skal ut av politikken, men at kvinner bør visa interesse og vera med på lik linje med mennene og bestemma kva utvikling og framtid me skal ha her i kommunen vår. Kvinner har ofte erfaring frå felt i samfunnet som menn har mindre kjennskap til, og kan såleis bringa viktige erfaringar og synspunkt inn når avgjerder skal tas.

Likestillingsnemnda i Bokn hadde møte den 17. Februar og vedtok då å støtta denne kampanjen.

Nemnda vil senda brev til alle partia i Bokn med oppmoding om å føra kvinner på sikre plassar når partia skal setja opp vallistene.

I dag er det 6 kvinner i kommunestyret, 35%.
10. september er det val igjen.

På kino 16. mars



Alle



Charlottes tryllelev

Fern (Dakota Fanning) er et av bare to levende vesener som innses at Wilbur er en spesiell fyr.

Hun oppfostrer ham, den minste i kullet, og han vokser opp til å bli en aldeles enestående liten gris.

En morsom, fin og koselig familiefilm. Med norske stemmer.



15 år



The Departed

En av dem er håndlanger for Bostons mektigste mafiaboss. Den andre er i delstatspolitiet for å ta knekken på mafiabossen.

De kjenner ikke hverandre, men begge har den samme hemmeligheten: De er muldvarper og tystere på hver sin side. Snart risikerer de å bli avslørt.

På kino 13. april



7 år



Natt på muséet

De hellige gangene i det naturhistoriske museum er fylt av de utroligste ting - forhistoriske skapninger med vanvittige øyne, djerpe gamle krigere, for lengst glemte stammer, afrikanske dyr og historiens legendariske helter - alle for evig frosset i tid. Eller... er de det?

Den andre filmen denne kvelden er ikkje klar i skrivande stund.

Me gratulerer!

Jeg vil gratulere mine to herlige gulljenter som fylte år 6. mars.

Madelene Knutsen 4 år (Bildet) og Tone Hognaland 23 år.

Masse klemmer & kos fra Christian



Det ble avholdt årsmøte i Bokn idrettslag 18. januar 2007.

Jeg vil som ny formann takke for det engasjementet som er vist fra våre medlemmer, og vil rette en stor takk for den støtten vi får fra aktive medlemmer, sponsorer og Bokn Kommune. Dere er alle viktige aktører og gode støttespillere for at vi skal kunne drive den høye aktiviteten vi har i Bokn Idrettslag.

Jeg kan informere om at BIL har en sikker og god økonomi og har ingen gjeld. Vil i samme anledning takke Olav Alvestad for at han har tatt på seg oppgaven å føre regnskapet et år til, og Gunnar Bokneberg for revisjon av regnskapet.

Nytt styre er valgt, og styret består av

Arne Hosaas	1 år leder
Tove A Hognaland	1 år sekretær
Torny Rossebø	1 år Idrettshuset / Utleige
Børt Åge Øvrebø	1 år aktivitetsleder
Christian Bottolf Knutsen	2 år nestleder
Brent Anthony Mikkelsen	2 år materialforvalter/fotball
Arvid Jøsang	2 år materialforvalter

Skulle det være noen som lurer på noe, noen som har ledig kapasitet, ønsker å engasjere seg mer i idrettslaget, så ta kontakt med en av oss i styret. Vi har flere uløste oppgaver og vil trenge hjelp for at alle skal bli fornøyde. Alle forslag mottas med takk.

Aktiviteten i treningslokalene i kjelleren er stor og vi har få nøkkelbrikker igjen. Vi oppfordrer de som har nøkkelbrikke som ikke er i bruk om å gi denne til en i styret.

De vil da også få refundert innbetalt depositum.

Fotballsesongen 2007

7 lag er påmeldt i serien:

Ungdomsfotball

G13 (Elleverfotball) - 7./8./9. klassingar

Jenter i 7./8./9. kl. har inngått eit samarbeid med Falkeid og skal spela elleverfotball. Desse er påmelde i J14.

Barnefotball

J12 (Femmerfotball) - 6./7. klassingar

G11 (Sjuerfotball) - 5./6. klassingar

J10 (Femmerfotball) - 4./5. klassingar

G9 (Femmerfotball) - 3. klassingar

G8 (Femmerfotball) - 2. klassingar

G7 (Femmerfotball) - 1. klassingar

Gutar i 4. kl. fordeler seg på G9 og G11.

Med vennlig hilsen

Bokn Idrettslag

Arne Hosaas

Leder

Volleyball U16

Lørdag 04. mars var me på seriercup i Stavanger. Me spelte 4 kampar kor me VANN to av dei. Etter det fyrste settet me vann var me så glade at det like godt kunne vore gull me vann.

Me vann 3. og 4. kamp mot Austrått og Haugesund KFUM. Dette er dei fyrste kampane me har vunne. Gratulera gutar og jenter!!

Me må og takka Mariann og Knut Helge som var med som dommar og sekretær.

Når me skulle heim stoppa me i Stavanger og gjekk på besøk til Andrej og fikk omvisning på det nye skule-skipet. Det var flott! Lukka til Wolfgang og Vivian som har søkt plass her til hausten. Deretter var me på Dolly Dimple til ein velfortjent pizza.

Neste kamp blir mot Utsira fyrste helga i april om alt går etter planen. Ikkje heilt avgjort om me reiser eller dei kjem til oss. Dei ytra og ynskje om ein tur til toppen av Boknafjellet. Kanskje nokre frivillege foreldre kan laga pizza e.l. på klubbhuset etterpå om det blir til at dei kjem til Bokn

Me har og nettopp fått invitasjon til å være med på Ølenscupen 17. mars for dei vaksne, me får sjå om



me klarer å stille lag.

Bildet:

**Bak fv. Marius, Daniel, Wolfgang og Didrik
Foran fv. Vivian, Natalie og underteikna.**

Rita Jensen

Informasjon om legetenesta

Bokn kommune held fram med samarbeidsavtalen med lege Attila Fazekas.

Dr. Fazekas flytta til nytt kontor i 2. etg. i Aksdal Senter i månadsskiftet januar/februar. Hovudinngangen til senteret er ope frå kl. 07.00 om morgonen. Sjølve inngangen til kontoret er ved politistasjonen, opp trappa mellom bokhandelen og sportsbutikken. Det er trappeheis som kan nyttast ved behov.

Opningstid: mandag, onsdag, torsdag og fredag kl. 08.00 – 15.30

Tirsdag er Fazekas på helsestasjonen, men telefonen er betjent av helsepersonell mellom kl. 09.00 og 14.00. (Han kan avhjelpe med resepter eller øyeblikkelig hjelp ved behov)
Mandag er framleis dr. Nemeth vikar.

Telefonnummeret til kontoret er 52 77 77 20.

Vi kjenner til at mange som har fastlege i Bokn er blitt tilbydt å gå over til Elisabeth Mattson i Tysvær. Om mange boknarar følgjer denne oppmodinga, vil det øydelegge grunnlaget for drifta ved legekantoret i Bokn. Avtalen med Fazekas inneber at vi, den dagen det begynner ny kommunelege i Bokn, har pasientgrunnlaget intakt.

Vi får prøve å klare oss så godt vi kan så lenge, og er det noko sjukepleiarane på legekantoret eller eg kan hjelpe dykk med, ta kontakt.

Er det elles noko de lurar på når det gjeld legeordninga, kan de ringa meg på tlf. 52 75 25 34 eller 98 22 15 03

Med helsing Gunn Grønnestad

Gardskart på Bokn

Landbrukskontoret har sendt utkast til nytt gardskart til grunneigarane i Bokn, i alt 97 stk.



Grunneigarane er bedne om å påpeike feil i markslag eller eigedomsgrenser med frist 1. mai 2007. Landbrukskontoret i samarbeid med resultat-område teknisk i Tysvær skal legge alle endringar inn i kartbasane for markslag (DMK) og eigedomsgrenser (DEK). Så langt har tilbakemeldingane gått på feil eigedomsgrenser.

Prosjektet skal vera ferdig tidlig i 2008.

Kontaktpersonar er Sølvi Johanne Hanssen (kun tirsdagar) og Bjørn Bruaset.

For meir informasjon klikk deg inn på www.skogoglandskap.no/temaer/gardskartprosessen

Dagsenteret

Dagsenteret har starta opp igjen i fellesstova til omsorgsbustadene på torsdagar kl. 10.00 - 14.00, med same program som før.

Nye brukarar er velkomne.  52 74 85 42

Ledig vikariat som vaktmester perioden 15. mai – 15. august 2007

Bokn kommune v/teknisk seksjon søker etter 1 person over 18 år som kan gå inn i stillingen som vikar for vaktmester i perioden 15 mai til 15 august, 100 % stilling.

I tillegg søkes det om 1 person over 18 år som kan jobbe 40 % i forbindelse med klipping og stell på kirkegården i perioden 15 mai - 15 august 2007. Lønn etter ansiennitet og praksis.

Søknad sendes inn til Bokn kommune v/teknisk seksjon innen 15 april 2007.

Spørsmål kan rettes til
Unni W W Høivik på
tlf. 52 75 25 06 eller
e-post: unni.hoivik@bokn.kommune.no

Gratis tannbehandling til grupper av eldre

Tannhelse Rogaland opplyser i eit skriv til eldrerådet at desse gruppene av eldre har krav på fri tannbehandling på offentleg tannklinikkk:

- **Eldre som bur på institusjon, sjukeheim, aldersheim, omsorgsbustad og sjukehus**
- **Eldre som bur heime og mottar heimesjukepleie**
- **Eldre i pleie av pårørende**
(pleiebehoveet må vera attestert av lege)

Dersom du meiner at du har rett på gratis tannbehandling, kan du ta kontakt med fagansvarleg sjukepleiar Aud Larsen på tlf. 52 75 25 30 eller Bokn tannklinikkk, tlf. 52 75 25 80 (ope tirsdag og torsdag).

Kommuneplanens arealdel

I høyremenyen på Bygdabladet sin nettside ligger et sidebanner der en kan gå inn på kommuneplanen sin arealdel, med bestemmelser og retningslinjer.



Planen gjelder også for kommunen sine sjøområder.

Kommunen oppfordrer spesielt alle som planlegger tiltak om å sjekke tiltaket opp mot kommuneplankartet.

I tillegg til byggeområder og annen arealutnyttelse gir kartet informasjon til grunneiere om automatisk fredede fornminner.

Kommunen håper planen vil være til nytte for publikum og at grunneiere utnytter de mulighetene planen gir til videre utvikling av Boknasamfunnet.

Spørsmål om plangrenser og formål kan rettes til **teknisk seksjon**.

Interesserte som klikker seg inn på kartet må huske å zoome.

FERIEVIKARAR

VI SØKJER FERIEVIKARAR TIL PLEIE OG OMSORG, BU OG AKTIVITET, AMBULANSEN.

Vi treng sjukepleiar, vernepleiar, hjelpepleiar, omsorgsarbeidar, assistent og ambulansesjåfør i tidsrommet 25. juni – 26. august. Oppgi i søknaden kor du ønskjer å arbeida, tidsrom og stillingsprosent.

Pleie og omsorgstenestene er organisert slik at Bokn sjuke-stove er personalbase for tenestene som vert ytt brukarane både i institusjon og i heimane. Det er 11 institusjonsplassar og 14 omsorgsbustader i kommunen.

Stillingane inneber varierte arbeidsoppgåver innan ein modell med samordna tenester: heimebasert omsorg og institusjon. Ein må kunna disponere bil i arbeidet.

Bu og aktivitet er avdeling for tenester overfor funksjonshemma brukarar i eigen bustad og avlastningsbustad. Todelt turnus. Sertifikat nødvendig (transport i brukarane sine bilar). Tett samarbeid med personalet i pleie og omsorg.

Ambulansesjåførane er organisert i bakvaktteneste for sjukebil stasjonert i Bokn. Vakttenesta inneber kveld og natt i vekene, heile døgnet i helgene. Vakhavande sjukepleiar i pleie og omsorg er kompanjong.

Vikariata vil bli løna i henhold til tariffavtale og lokale avtalar. Opplysningar om arbeidsforhold og liknande kan ein få ved å venda seg til seksjonssjef Gunn Grønnestad, tlf.98221503.

Søknad med CV og relevant informasjon sender ein til Bokn kommune v/seksjonssjef helse, sosial og barnevern, 5561 Bokn innan 15.04.07.

Rådmannen

Informasjon om bemanning på teknisk

Teknisk sjef Hans Faye har permisjon ut året, men jobber 1 dag i uken med enkelte prosjekter, og blir skjermet for kundekontakt.

Unni W W Høivik jobber som tidligere med byggesaker, utslippssaker og andre type saker som kan gjelde teknisk. Unni er på kontoret mandag-torsdag i oddetallsuker, og er på fredagen i oddetallsuka tilgjengelig på mobiltelefon.

Bernt Østnor innleid fra Norconsult kan kontaktes ved spørsmål om reguleringsplaner eller andre typer plansaker. Bernt er på kontoret tirsdag-torsdag i partallsuker, og fredag i oddetallsuker.

Funksjonen teknisk sjef er for tiden lagt til rådmann.

Forhøpentligvis får publikum den tilbagemeldingen de trenger, selv om det er redusert bemanning på teknisk. Det oppfordres likevel til å ta kontakt på forhånd for å avtale tid, enten via servicetorget, eller å sende mail til **unni.hoivik@bokn.kommune.no**.

Trafikkalt grunnkurs på Bokn

Kurset, som er obligatorisk for alle som skal ta sertifikat på motorkjøretøy, går over ca. fem kvelder og er i regi av Team Trafikkskole.

Deltagere må være fylt 15 år dette året. Oppstart er rett over påske.

Kontaktperson/påmelding snarest til Iren Jøsang, 52 74 86 27 etter kl. 17.00

Det er også muligheter for oppkjøring med Scooter på Bokn, i juni. Plassbegrensning (6 stk.) - først til mølla.



Vi søker etter administrativ assistanse på vårt kontor i Føresvik!

Grunnet stor vekst den senere tiden søker vi etter en mann eller kvinne som kan avhjelpe administrative oppgaver ved kontoret i Føresvik. Ta kontakt selv om du kun har mulighet til en redusert stilling.

Kvalifikasjoner/egenskaper:

Fordel med basis IT kunnskaper, ellers er det viktigste at du er en positiv og engasjert medarbeider!

Ta kontakt med Helge på mail hr@bokn-plast.no

Vi søker husrom til våre innleie produksjons-medarbeidere!

Ledelsen ved Bokn Plast og HighComp AS søker etter ledige leiligheter eller oppussingsobjekter med rimelig nærhet til Føresvik for utleie.

Ta kontakt med Helge på mobil 90647076 eller mail hr@bokn-plast.no om du har en eller annen form for husrom.

Med vennlig hilsen

Helge Rasmussen
Daglig Leder

Bokn Plast AS / HighComp AS

Torsdagstreff

Allrommet, kvar torsdag Kl. 10.30 – 12.30
Salg av vafler, saft og kaffi - alle er velkomne

Vil samtidig takke saniteten som stiller med vaffelrøre og penger til leker.

Anja & Solrun

Takk for all oppmerksomhet ved fødselsdagene våre.

Stor takk til barn, svigerbarn og barnebarn som alltid trør til når noe skal gjøres.

Hilsen Else og Helge Nilssen

Maritim filmkveld

Bokn båtforening inviterer til filmkveld i auditoriet søndag 18. mars kl. 19.30

Tema for kvelden er gamle filmklipp frå fiske med båtane Rundesund, Alvestad jr., Solholm m.m.

Filmene er laga av Magnar Are og er på 2x48 min. Det blir kaffipause mellom filmene.

Møt fram for eit nostalgisk tilbakeblikk! Velkommen!

Påskenen i ord og toner


Også denne påskenen vil det bli møte i Bokn bedehus, ved Frelsesarméen i Kopervik. Det har på et vis blitt en tradisjon at vi på Skjærtorsdag møtes til påskemåltid i Bedehuset.

Programmet "Påskenen i ord og toner" inneholder bibeltekster og sanger knyttet til påskens budskap. Vi ønsker alle hjertelig velkommen til samværet!

Skjærtorsdag kl. 18.00


ENEBOLIG

Par m/barn ønsker å leie/
kjøpe enebolig på Bokn.

 **45 21 07 34**

HUS/LEILIGHET

Me vil gjerne leie et hus/
leilighet på Bokn.

 **92 03 95 57**

ØNSKES LEID

Familie på 3 ønsker å leie
hus/leilighet på Bokn fra 1.
mai.

 **90 93 84 66**

**Bygdabladet
ynsker alle
lesarane sine ein
riktig god påske!**

**HÅRSMIÅ**

Austre Bokn - mot Våga



Velkommen til god hodebunnsmassasje i HÅRSMIÅ.

Har fått inn nye eksklusive hårpleieprodukter.
Jeg blander til hårkurer som passer ditt hår.

Klipper hver dag etter behov.

Det er bare å ringe på dag eller kveldstid.

Tlf. 52 74 86 47 - 99 03 72 03

Hilsen mona


Bokn & Tysvær begravelsesbyrå

John Magne Lie
90 92 49 64

Kjell Frode Lie
90 78 37 97

**DIV. TIL SALGS**

Siemens oppvaskmaskin
(stål - 2 år gml.),
BEHA kjøkkenvifte (1 år
gml.), samt framskap og
vittrineskap (bildet) til
salgs.


 52 74 84 02 - 98 22
15 08 - 97 78 06 48

**KROVÅGEN HESTESENTER
AUSTRE BOKN**

Ridekursene starter i mars/april. Rideleir i påsken
(30.3. til 4.4.) og i sommerferien.

Ledige stallplasser fra juli måned. Gode treningsforhold.

Kontakt Kari Christensen

 **91 12 08 01 - 52 74 84 07** @: kachris@online.no

www.krovaagen-hestesenter.no

Friluftsandakt

Foto: Sigvart Våga

1. påskedag kl. 15.00 på Ognøy

Ta med sittematter, kaffemat, egg, ev. grillmat
og garantert "godt og teneleg vær".


Arr: Bokn kyrkje, Bork og Bokn KFUK-KFUM

DVD frå brislingfisket på 70-talet

Eg har laga DVD-filmar av dei gamle smalfilmene eg tok un-
der brislingfisket på 70-talet. Filmen er på 2 dvd-plater og er
på 48 minuttar kvar. Eg har også lagt på tekst og musikk.

Filmene kostar kr. 300,-

Magnar Are

 **52 74 85 05 - 92 65 40 91** @: magare@online.no

Mandag til torsdag
09.00 - 17.00
Tlf. 52 74 83 16

COOP BOKN

Fredag 09.00 - 18.00
Lørdag 09.00 - 14.00

- Dagligvarer
- Medisinutsalg
- Postfilial
- Bensin—Diesel
- Driftsmidler
- Bank i butikk

coop
marked

Div. tenester på Boknatun

BOKN FYSIOTERAPI

Onsdag og torsdag og enkelte mandagar.

52 75 25 33 - 91 61 23 91

Ta kontakt for avtale.

Geir Austvik - fysioterapeut

BOKN FOTTERAPI

Kvar tysdag og fredag kl. 08.30 - 15.00
ved fysioterapirommet.

Enkelte laurdagar etter avtale.

Ver venleg å bruke tilhøyrande inngang.

For timebestilling tlf. 52 74 84 79/99 70 74 28

Direkte nr.: 52 75 25 33

Rita Jensen - fotterapeut



Arbeids- og velferdsforvaltninga

NAV Bokn trygd

Kontortid kl. 9.00 – 14.30

Telefontid kl. 8.00 – 15.30

Kundesenteret: 815 81 000

LANDBRUKSKONTORET

Kvar torsdag kontordag på Boknatun
kl. 9.00 – 12.00.

Direktenr. 52 75 25 13

Avtale etter kl. 12.00 må gjerast særskilt.

Kan treffast på rådhuset i Tysvær andre
vekedagar, tlf. **52 75 71 75**

Bjørn Bruaset - jordbrukssjef

TANNLEGEKONTORET

Tysdagar og torsdagar kl. 08.30 - 15.00
kl. 9.00 – 12.00.

Direktenr. 52 75 25 80

Marita Ølund- tannlege

Stort forsidebilde:

Trufast gjest i Førsvik

Foto: Kjetil Hamre



Blir laga og gitt ut av Bokn kommune. Frist for inn-
levering av stoff er etter avtale med
redaktøren. Bladet kjem ut 10 gonger i året,
ikkje januar og juli.

Eit abonnement kostar kr. 325,- pr. år, gratis
for bortebuande skuleelevar og studentar.

BYGDABLADNEMND

Eva Moi

May Jorunn Vatnaland

Johannes Nilssen

TILSETTE

Jardar Havikbotn, redaktør

Tlf. 52 75 25 08 - 98 22 15 08

E-post: jardar@bygdabladet.no

Reidar Alvestad, journalist

Tlf. 52 75 25 04 - 98 22 15 04

E-post: reidar@bygdabladet.no

Linda Ognøy, medarbeidar

Tlf. 52 75 25 45 - 91 16 87 82

E-post: linda@bygdabladet.no

ANNONSEPRISAR

Heilside kr. 625,-

Halvsida kr. 375,-

Kvartside kr. 188,-

1/8 side kr. 125,-

Privatann. kr. 62,-

Fastann. etter avtale

www.bygdabladet.no

SERVICETORGET

Tlf.: 52 75 25 00 kvar dag kl. 08.30 – 15.00.

Vi kan t.d. hjelpe deg med:

- generell informasjon om ulike tenester
- kontakt med rett saksbehandlar i kommunen
- utdeling av skjema
- utleige av kommunale lokaler ekskl. bustader
- informasjon om utval, møter og dokumenter
- endring av skattekort
- utfylling og innlevering av flytteskjema
- innlevering av selvangivelser og kontakt med likningskontoret
- bustøtte – Husbanken
- økonomisk gjeldsrådgivning
- innsyn i kommunens dokumenter/arkiver
- sal av bygdabøker, boknaspennå, krus
- kopiering

Direkte nr.: 52 75 25 10 og 52 75 25 11.

E-post: postmottak@bokn.kommune.no



BOKN BIBLIOTEK

Opningstider:

Mandag	09.00 - 11.30 (for skulen)
Tysdag	09.00 - 13.30
Onsdag	16.00 - 19.00
Torsdag	09.00 - 13.30



Så snått i fra nasen henge dråpane der.
Frøsne te is, me har fått kaldare ver.
I bekken renne fortsatt vatnet fort.
Se utslaget lange lukkartid har gjort.

Vann i bevegelse, vann frøse te ro.
Liv neri hjørna, øverst liv så dro.
Symbolikk så e sterk og klar.
Runge i hjerta har fått et ekkosvar.

VINTERVANN

Kjetill Hamre